

كتاب العدد رقم ٥٠



ثنائيات

قول يا حجر

محبوب موسى



1

2

مقدمة

هذه (ثنائياتي) عن انتفاضة الحجر، لافضل لي في صياغتها، إنما الفضل لربي سبحانه حين تجلى على عبده (الحجر) بأن جعله ملهماً لي، وكأنه سبحانه وتعالى يريد لهذا العبد الطيب مزيداً من الكرامة . فالحجر إذاً هو الذي (كتب نفسه) وإلا فما الذي غلغل في كل الثنائيات هذه الأحرف المباركة (ح ج ر) ؟

لذلك جاءني (أخي) ليهتف بي :
تغنّ أخي محجوب بي عبر حروفي، وسوف أمدك بمدد لا ينضب من المعاني فلم أقل شيئاً ، وإنما بادرت إلى القلم وبادر حبيبي الحجر بمدده الزاخر .
فكانت هذه الكلمات المتكئة على أحرفه الخالدة .
والذي جعلني مطمئناً إليها هو صدورها من صاحبها ذي (الونونة) الممتعة لأسماعنا - نحن العرب - والمصبوبة زلازل وبراكين ورعوداً في أسماع أعدائنا .
وكذلك زاد اطمئناني كون هذا النهج الذي نهجته على يد أخي الحجر هو ما يعرفه أولاد البلد الخالص (العتر) باسم (القافية) حين يقول واحد منهم للآخر (تخش قافية كذا ؟) ، فيتبارى الاثنان في خفة ظل ودم .

وأنا قد صنعت هذا الصنيع (الحجرى) حين أخذت من
حروف الحجر الحبيب (لازمة) من ذات المعين (معين
القافية) الشعبية الأصيلة، وسوف تجد قارئى العزيز
أن هذه الحروف المباركة قد دخلت نسيج كل شىء بل،
أن كل شىء قد دخل نسيجها .
إذن فهذا ماأملأه على الحجر أما أنا فلا أملك
إلا الدعاء يارب :

يا من أرسلت حجارة من سجيل .. فى مناقير الطير
الآبائيل، ويا من أمطرت على الكافرين حجارة
مسمومة، ثبت فى أيدى أطفالنا الرجال، صفارنا
الكبار، هذا الحجر المعجز بفضلك، وارجم بأيديهم وبه
عدوا بلغ من الخسة ما يخلج الخسة ذاتها ومن الحقارة
ما تشمئز منه الحقارة .


واجعل اللهم النصر المؤزر القريب هديتك لشعب ذاق
مرارات العسف والقهر والحرمان، وأعدده ياربى إلى
دياره السليبية .

كما أدعوك أن ترمى بعضاً منا بأحجار من عندك
حتى يفيق من نوم التراخى وعدم المبالاة، لعله يخلج
ويصنع شيئاً يعطيه حق الحياة .

أما من خانوا وباعوا وغدروا وفجروا من العملاء
والأذئاب فأرسل عليهم جبالاً من نار تدكهم،

فتسحقهم، تسعّرهم .. فهم أنكى وأضل سبيلاً من
أسيادهم .
ويا أيها الحجر الكريم إليك هذه الثنائيات التي حفرتها
على نبض قلبي بهذه الأيدي المباركة .

محجوب موسى



ياصفُنَّينِ خالص ولكن كبار
ياملجِمين الليل بشمس النهار
ياللى الحجر ف إديكو ريشة أمل
ترسم على وش الخراب العمار

شاهت وجوه الكافرين والغبار
من إيد محمد فى الوجود لف... دار
الذرة تتجمّع فى حضن اختها
صبعت حجر مكتوب عليه انتصار

(طوبى) لإيد بالطوبة ذلت عدو
وفرجت دنيا ناع الى اعتدوا
طوبه تخلقى المعتدين بصرخوا
(توبه) ودوغرى فى الشقوق يلهدوا

الطوب (بتوب) النصر مكسى البدن
ريك بفضلله أرسله للوطن
لاجلن يحمر أوضه م المعتدى
ويدقعه بعد الغرور التمن

اليوم دا بتلاقى الحجر ينسفك
آخر الزمان تلبد وراء يكشفك
مافيش خلاص لازم تسلم بقى
وإن كنت مش عارف أهو عرفك

(حجر حُجْنَجْر) غنوتى فى الصبا
(ف الأرض ينقر) ستميت مرجها
دلوقتى (بينقر) دماغ معتدى
ويزحزحه عن أرضنا الطيبه

كثير كتبتنا ع الرمال والمياه
وصرخنا ياما بس صرخه ف فلاه
مل الولاد منا وجابوا الحجر
حفروا عليه النصر طول الحياه

كل الحجر ف بلادنا زمجر وثار
مافيش عماير أو بيوت أو ديار
من قبل مانشارك أخونا الحجر
وتضمننا إيد الصغار الكبار

سمى وقول يارب وارمى الحجر
لادبابات لاطيارات لاشرد
تقدر تقاوم .. أصل ريك رمى
وما دام رمى إيه معنى رمى البشر؟

فى أول الجوله الجميع انفجر
بالضحك من رمى الولاد بالحجر
دلوقت أصبح للجميع أغنيه
تتغنى بيده حتى الطيور ع الشجر

يا (شبر) قدامك مدافع ونار
وازاي تقابل بالحجارة الدمار؟
(الشبر) ماردش ولكن حذف
أجمنى بالدهشة وبالإنبهار

قوم مد إيدك وبأيد الولاد
عشان ماتتعلم أصول الجهاد
وتشوف بعينك إن رمية حجر
مفتاح رجوع اللاجئين للبلاد



قال . الحجر يازين ما قال الحجر
(شعر وزجل) ١٢ . لا .. إنما قال شرر
أفعال تشونها العين ترجع لنا
خالد . صلاح الدين . وعمرو وعمرو

بالعين (وبالحاجر) قاصدها أنا
لاجلن ما تكمل لى هروف الهنا
يمكن أقول (حاجب) ولكن كدا
أبلغ عشان الإسم دا حُبنا

(حاضر) على عيني .. أمانه تقول
(حاجر) عشان قولك يكون له أصول
حاجيم ورا سَمى وقولها كدا
راح ينوضع لك فى القلوب القبول

ضربة حجر بتلجم القنبلة
وتفك عن إيد الوطن سلسله
كات حسبه صعبه بالكلام والخطب
وبالحجاره التحلت المسأله

نروح يمين نروح شمال والركود
بارك على صدر الوطن والجمود
كابوس تقيل مازحزحه غير حجر
بيعلم الدنيا معانى الصمود

(حجر حُجْنَجْر) يا حلوة النغم
سحره بشيل (الجممه) م الهجم
خايف تقول الواد مبالغ قوى
لو قلت ويصحي اللي مات م العدم

عايز تناسبني ؟ فايه شغلتك ؟
أنا ف (المحاجر) .. بنتى من قسمتك
مدير غفير مش هيه دى المسأله
كلمة (محاجر) وحدها زكتك

أنا كنت أقول الشاعر المهجرى
أصبحت أقول الشاعر (المحجرى)
ما فيش ف بالى غير حروف الحجر
لا ينكتب غيرها ولا ينقرى

إبنى الوحيد قتلوه بضربة حجر
كتمت حزنى قبل ماينفجر
ولدت بالصبر الجميل أصل أنا
لاجل الحجر أبلغ أشد الضرر

(فوت بكره ياسيد) حذف لى الجنيه
ف الدرج رجعتو وشديت عليه
فوت بعده ياسيد حذف لى الحجر
ف دقيقه قضيت وسلامه يابيه

حجر الطاحون هشم دراعى وعصر
لكن ما حستشى أنا بالأثر
إن شالله يطحنى ... حاكون منتعش
يعمل عمايله.. كفايه إنه حجر

آه يا حجر باللى جعلت السلاح
قشايه أو ريشه ف إيد الرياح
حاولنا ننجح به فكان الفشل
لكن على إيدك بلغنا النجاح

ياللا اعملوا تمثال عشان الحجر
لكن بايه ؟؟ صلصال؟ رخام معتبر؟
دهب ؟ ياقوت لاإنما نعمله
من أغلى شىء فى أرضنا. من (حجر)

شغلنى ف (المحجر) ومن غير فلوس
وادفع كمان وكفايه آخذ ... دروس
عن معجزات الله ف صورة حجر
قتلت نفوس ياما وأحيت نفوس

ماهو أى كلمة فيها لو حتى حرف
"يا حا يا جيم يا را" أنا اقطفها قطف
محطهاش وردايه فى عروتى
وإنما ف القلب وارويها عطف

أخربا والله العظيم يا حجر
الأرض ولدتنا سوى والقدر
جمع ما بيننا ملحمة إنما
كل الملاحم جنبها شىء هدر

راسك حجر ياريت دا يوم الهنا
مش راسى بس ياريتنى كلى أنا
ويدغدغونى ويحدفوع العدو
و (اون) ماتقولشى موسيقى وغنا

(سفيه) أنا باعم (أحجر) بقى
نفسى أنا للحجر متشوقه
هيه الحروف دى ويس تبقى اللغه
كل اللغه فى العقل مترستقه

(حاجر جرك) جرجر دا يوم المنى
فيها (حجر) ياعينى ع (الحجر نه)
اللى نهت كبر العدو وورته
كيف السلاح قدام جلالها انحنى

إياك (تحجر) لاح (حجر) كتير
أصل الحجر دلوقتى أصبح مصير
له معجزات من ربنا التحققت
على إيد ولاد تتلف جوه الحرير



فى غرفتى أرجوك تقول (حجرتى)
"حاجيم ورا" دى أصبحت غنوتى
الله يبارك فيك يانبيض الحجر
ياللى أعدت الروح إلى أمتى

لو ترجمونى بالحجر حاترجم
فرحان مزققط بالقوى منسجم
واحضن وابوس واهتف وأقول يا حجر
الحمد لله اللى بيك بالانعدم

اقلب (حجر) تلقاها طلعت (رجع)
فعلا رجح كل السلاح وانفتح
باب الأمل بإديه وبعد المسا
عشنا ف صباح وانوار وزقه وفرح

كم مهرجان كم مؤتمركم خطب
وكل دا ريشه ف هوا ياعرب
ماحلها إلا الولاد والحجر
سبحانه يفرجها بهذا السبب

العقل لا يمكن بصدق بهال
إن الحجر ف الحرب صاحب مجال
يجى يشوف العقل إيه حققه
حتة حجر ف الدبابات والرجال

لو الحجر خسع حدانا العيون
فيها (الله) جاهزه يامعتدون
لكن ماشاء الله جيبينا الحجر
بيزيد قوى فى إديننا من كل لون

مالى انا ياخلق هو بالبشر ؟
حبى وودى وعشرتى للحجر
هو اللى أملى كلمته بالعمل
ياما البشر قالت ولافيش أثر

ياميت حجر مش ميت مسا أو صباح
ياسلام عليك طابير وفارد جناح
الحب وتروح لهم
ترمى الغضب والكراهه ترمى الجراح

كوافير ؟ مانيش حاأبعت حريمى بقى
(حلاق) نعم ولجيني متزوقه
أو دون زواق ميهمنييش انما
(الحا) تَمَتَّع ودن متشوقه

إسمك (حجر) يادى الهنا المنتظر
حاخذك صديق غالى ياسيد حجر
ما تقولشنى إيه شغللك وإنه مركزك
بالإسم دا وحده تنول الوطر

ما تمحروش البيت كفايه كدا
أسعد عنيه وقلبى بالشكل دا
لمن أشوف حبى الحجر بانتعش
وأكون من الفرحة ف غاية الرضا

يا أيها الحجر الذى ... ياسلام
يا عمنا استنى كماله الكلام
لأ دا كفايه إن قلت الحجر
علشان يكون (البتر) عز التمام

قال الحجر كل الوجود التفت
أما التعالب والكلاب اختفت
قول يا حجر قول يا حجر يا حجر
دى الدنيا غنت بك وبيك احتفت

الساعة دى واحد وعشرين "حجر"
ثمنها ... ماتكملش . هيه الدر
يتقال ثمنها كام ؟ دى لو بنطلب
فيها الحياه أدفع ف لمح البصر

مدمن أنا كورنيش عشان الحجر
أما المناظر كلها والصور
ملهاش من العين لمح أو عشرها
ايه بعد محبوبى يعوز البصر ؟

عابد صنم كافر ولاشك فيه
ف النار مخلص إفا بس ليه
ساعات أنا دى ربنا يرحمه
يكن عشان عابد حجر ولايه ؟

دا ضيف تقييل خالص وزى الحجر
عليه بيه داهوا دا المنتظر
والله لاكون كارهه ولو ميت سنه
وان شا الله اجوع واعرى واصبح وافتر

أقدر شتيمه قلتها تفتفر
مادام تقول فيها دماغك (حجر)
أسمعها ليل أسود . خلاص حاله
وأبلغ اللعنة عشان القمر

دى معصصه ناشفه وزى الحجر
عز الطلب .. حاجه تسر النظر
مليون تلاته مهرها . فوق كدا
أبنى لها بيت مايجيش آخره البصر

بويه ومحاره ديكور كل دا
إلغيه كفايه عليه أسكن كدا
أمتع العين بالحيطان الحجر
متعه ماليها مبتدا أو مدى

حجر كفابه يا أخى تكمله
دى كلمه ليها القيمه والمنزله
لو أتخرص خالص وأقولها فقط
تبقي البلاغه لعبتى المذهله

عيب يا هرم تفضل على موقفك
فرط حجارتك هودا يشرفك
إيه الآثار والدنيا جنب الوطن ؟
والله ان ماشاركت الحجر ما اعرفك

يا شهر (طوبه) بعد (طوب) الانتفاض
أصبحت دافى.. لا ارتعاش.. لا ارتعاد
فرحان باسمك دا اللي بيشرfk
اشكر إلهك . ثم إيد الولاد

دلوقتى بانقل خطوتى ف الطريق
بمنتهى الدقة . وما قدرش اطيح
أدوس حجر . وازاى أدوس لمجدتى
والعزه والواجب وحق الصديق ؟؟؟

لسه (الكبار) لاهدين ف شارع الهرم
بيعيدوا (الأرداف) عبادة الصنم
وكأن مافيش انتفاضه ولا
حجر يصحى الميتين م العدم ؟

نطق الحجر . يا خلق هو إنطقو
وقال لإمتى ف المنام تفرقوا ؟
صحيت انا لما الولاد كبروا
وطوحوني . فقت .. ماتفوقوا

لسه (الكبار) بيعريدوا .. والصغار
بيعلمونا المجد والإنتصار
الله يبارك لك يا جيل الحجر
وبذل عبادة النسا والدولار

الإيد تحضن ع الحجر فى حنان
وتقول صديقى ف الشدايد بيان
يقول لها لازم أصيب العدو
لو محدفينى حتى من غير (نشان)



(النبله) دلوقتى ماهش للطيور
ديه (الخانازير) الضلال والفجور
حصوتها تطلع يعنى قول حمصه
لكنها بتدل كبير وغرور

قدر إلهى مين يرد القدر ؟
النصر يتحقق بضربة حجر
لاجلن مانرجع له ونستغفره
ونقول له من دلوقتى حانكون (بشر)

(طوبى) ل (طوبه) طيببت جرحنا
شالت تراب العتمه عن صبحنا
وبعد أحزان السنين زغردت
تعلن بداية نصرنا وفرحنا

ضربة حجر قبلن تذل اليهود
بتدل فينا اللذ يصبح صمود
وتقول لميتنا انتفض ينتفض
وتفز قلب الصمت يصرخ رعود

الطوبه فوق طوبه دى لعية زمان
لاجلن ماتبقى (العركه) ف العنفوان
دلوقتى مش لعبه دى جد اشتعل
يحرق بنار العزه عار الهوان

انصُر عصا موسى عليه السلام
تلقى اللى خلى لها كرامة ومقام
هو اللى خلى للحجر معجزه
نار ع العدا وعلينا برد وسلام

طار الحجر بجناح عزيمة صبي
شريت كلام الله وقول النبى
عشان كذا لازم يصيب الهدف
ويقول لليلة نصرنا قري

المولى سبحانه رجم بالحجر
اللى فجر واللى افترى أو كفر
وأولادنا بتنقذ قانون ربنا
اللى جعل رمية إديهم قدر

النصر ع الأبواب خلاص القرار
جاهز ومضى مش مجرد شعار
إيد الولاد السمر ويا الحجر
اتكفلو بالعودة والانتصار

دكاكين بيوت حجارتها متململه
بتقول ياريتها تحصل الزلزله
واطير واسافر والتقى بالحجر
أخويا اشاركه المعجزه المذهله

(نشنت مانشنت) برضه الهدف
حتما أصيبه أصلى لما انحدف
مش بس من إيدك .. دا إيد رينا
فوق الأيادي .. مستحيل أنحرى

لولا الإيمان لكنت أقول كل حين
لطفك وعفوك سامح الكافرين
لاجل الصنم يارب كان من حجر
اللى انت صبيته على المعتدين



بتحكي رجلك بالحجر .. ياسلام
بالمجد بتحكي وبالا احترام
دلو قتي رجلك تتوزن آدمغه
الناس بتضرب ليها تعظيم سلام

(حجارتك) العارضة .. يادي اللخبطه
مش تخبطه يا خلق دي زقططه
ماعدش فيه ع البال خلاف الحجر
اللى رفع سمعتنا م المرمطه

حجارة النضاره دي مش قوى
عندى حجاره تخلي شوفك قوى
حتى ولو غمضت تلقى العدو
ضعفان قوى لكنه عامل قوى

ف الحج ماملكتش أبوس (الحجر)
زعلت ويكيت لما قلبي انفطر
جا قال لى هاتف فى المنام يا قتي
بوس طويه من إيد العميال العتر

كات (عاندون) حثّة نشيد أو شعار
فقدت حرارتها بطول الانتظار
لكنها أول ما (ونّ) الحجر
إنجسدت فينا حقيقته ونهار

(حجر النراتيه) داحى الرجال
حتى ولو حايطم حبة عيال
كفاهه إسمه يبتدى بالحجر
عشان نعامله بالأدب والكمال

أجمل نغم ف الدنيا (ونّ) الحجر
لاتاى ولاأرغول . حجرنا وتر
فريد ف نوعه . الحى لو يسمعه
يزيد حياه .. والميتين تنتشر

(النبله) مش أستك وحته حطب
وفيها حصوايه كذا تنضرب
النبله ف إدين الولد معجزه
بتصّب فوق المعتدين اللهب

إياك (تَحْجَرُ) لا حا احجر كنتتر
دانا (مَحْجَرَانِي حَجْرَتِي حَجْرَتِي)
فعلى وكلامى كله لازم كدا
حتن أموت دى (الحَجْرَتَه) شىء خطير

دقيق وفاخر .. إنما ما نطحنش
على (الحجر) يبقى أنا ما انهبلش
واصنعه عيش والا ادوقه دانا
جريتته مره إنما ما نهضمش

أقعد على (حجرى) يازين المكان
ما أقعدش ليه ؟ أقعد واربعة كمان
وانا فى ديك الساعة لما المجعص
على حروف المجد طول الزمان ؟

حامد حسن حمدان حسين خندويل
إيه النغم دا (خمسه حا) يا جميل
لازم تكون صاحبي العزيز للأبد
عشان عيون حرفى الحبيب الأصيل

أفضل حروفك ؟ (حـا) وأجمل نغم ؟
(حَاحَا) وبيتك فينه يامحترم ؟
فى شارع (الحرية) طب أكلتك ؟
(حمص) وشريك؟ (حليه) شغللك ؟ (حكم)

إقرأ (الخواميم) من كتاب رينا
عسى بنصره ينسعد قلبنا
ال (حـا) بدايتها ويرضه الحجر
اللى مطهرم الكلاب درنا

(أحد) جيل بنجيه ويحبنا
قالها النبى بالحق من قلبنا
والسر إيه ؟ .. السر إن الجيل
من الحجارة اللى حمت أرضنا

سيدنا بلال يوم عذبه بالحجر
أنا أعتقد أن الحجر جا اعتذر
سامحه ودعى له دعوه والتحقت
لما صبح ملو اللسان والبصر



عايز أناسبك . إسمك إيه ؟ قال (حجر)
بالخضن يانسيبي ياأعز البشر
لاشيكه لامهر العروسة ولا
شقة عليه كل دا ياأعز

إسمك (حجر) ياأعز ؟ قلت إيه ؟
حجر وتفضل أعز ؟ لا ياأعز
من النهارده رتبك (ميت لوا)
الإسم دا ماتغلى رتبه عليه

لو نلغى من كل الوجود اللغه
الا (الحجر) مانحس شىء اتلغى
علشان رفعنا فوق جميع الأمم
وشدنا م الوحل والمرفه

قرآن كريم له م القلوب حبنا
لكن بتفتح للهدى قلبنا
(الحجر والحجرات) عشان الحجر
ماهو برضه آيه من آيات ربنا

(حاجنك) . جن . أهو (حاجيم)
(تلتين) نعيم .. عقبال كماله النعيم
ياريت تقول (حاجرنك) وبكدا
ألقي النعيم كله واعيش ف السليم

(احرجموا) ليه تنهجر ف الكلام ؟
ونقول (تراحموا) وهيه آخر تمام
حاجيم ورا فيها ولا تنكتب
أو تنقري ؟؟؟ يا خلق هو مش حرام ؟

(ح) بس مهما راح تكون تبقى عال
مديح شتيمه .. كله يعجب ياخال
ياريت كلامنا كله (بالأهنه)
ولا الكتابه من عيين أو شمال

الفار دخل ف (الجحر) صبرك عليه
يطلع واقتله باسمك ايه
مانقتلوش لو تقتله حا اقتلك
كفايه (جيم حارا) تشفعنا فيه

على يا (حجار) يازعيم الطرب
لو حتى حا (تنشز) فصوتك ذهب
ومهما كان صوتك واسمك كدا
صوتك حايعجبنا أشد العجب

(حرجم) أنا مااكلش م الحرجمه
أكل أنا منها كتير إنما
عمرى ماأشبع منها أصل أنا
من غيرها ماكتتش أطول السما

(جحا) باحبه لاجل جيم وياحا
ياريت تكمل حرف (را) يا جحا
أديك كمالة الحب .. خليك (جحر)
حروف رأيت فيها اللى ميت صحا

صاد عصفورين لكن بضرية حجر
حرام عليه هيه الطيور تنغدر ؟
يا ابو ضربه (مجوز) روح هناك واشترك
ويا الولاد واحذف وسوى العبر

م النحس خذلك مره ضربة حجر
إحفظ لسانك واحتشم يانفر
ماتقولش نحس ادعى عليك ينحسك
فيها حجر .. السعد كله حضر

رفعت إيدى قال لى إسمى (كوهين)
نزلت إيدى (الحا) أوديهها فين ؟
آه ياخبيث عرفت فين علتى
صبرك حاتغلط مره وتقول (كوهين)

يهود بقى ... إدارو خلف اليفط
وازاى حانحدهم ؟ دا ببقى غلط
ميت ألف (حا) مكتوبه .. إيه العمل ؟
الرب ألهمنا ... احدفو (بالزلط)

حلوه (الحلاوه الحمصيه) بلاش
فسدق ولوز دى حاجه متهمناش
لو أى شىء يبدأ (بحا) نبلمه
لو حتى ندخل غرفة الإنتعاش

نفسى أروح الحج لاجل (الحجر)
أبوسه بالروح والفؤاد والبصر
وأقوله لك إخوات صلاة النبى
خلو العدو أضحوكه بين البشر

أنا حاشترى منك بكل الفلوس
حاجات ماهش لازمه وافلس والوص
والسر إن اسمك (حجر) والحجر
هو اللى طهر م الهوان النفوس

نفسك ف إيه من قبل مانعذك
يا عم (عشماوى) الكريم يكرمك
نفسى أنعدم لكن بضربة حجر
أدعى الاله م العافيه مايحرمك

إبنك ماهوش فاهم ولا مسأله
مخه (حجر) يافرحتى بالوله
مخه حجر ؟ ... وهو غير الحجر
اللى انتشل أمتنام البهدله



فى شارع (الحجارى) أنام ع التراب
وافوت عماره كتفها ف السحاب
عشان عيونك يا حجر يا قدر
ياللى محيت منا الأسى والعذاب

أشغال وشاقه يعنى تكسر حجر
فين الشقا يادى الهنا المعتبر
داانا كل ما كسر حته من التقى
خاطرى وخاطر المظلومين المحير

ما تشغلوش الراديو بالكهربيا
لو (بالحجارة) يبقى ميت مرجيا
هيه الحجارة ويس ف الوقت دا
عصفور علينا وعلى العدو عقربه

مخك حجر .. ممنون أنا أشكرك
(حجرتنى) روح ربنا (يحجرك)
كانت شتيمة أصبحت عندنا
سديح .. كمان تانى .. (اجين) يجبرك

أنا جاي في (الحجري) مانيش رايح أقول
أنا جاي ف (المجري) ولو كنت أطول
أجعل كلامي كله (بالحجر نه)
أصل الحجر علان بعد النزول

(حارجع) وأقول .. ماتقولش يكفى بقى
(حارجع) دى غنوه حلوه مترستقه
فيها حروف الغالى اخويا الحجر
اللى طعمنا م الكرامه وسقى

(حاجري) قصادك واللى يسبق يفوز
انت اللى فايز قول بقى إيه تعوز؟
مافيش مسابقه كفايه (حاجري) أصلها
ضمت حروف فوق الحروف والرموز

(أهجرني) فيها جيم ورا يبقى دول
يلزم لهم "حا" والمنى والقبول
وكل ما أرجو ف كلمة حجر
(أهجرني) تكمل يا حبيبي الفصول

(أحرجهم) معناها إيه ؟؟؟ رينا
هو اللي عالم إنفا قلبنا
بيحبها علشان حروف الحجر
اللي فرش بالانتصار درينا

أطفال يا عالم وبحجر مش صاروخ
ضربت عدوى أنما ع النافوخ
لاطيارات لادبابات أثرت
هاتو البخور والشبه ويا الفاسوخ

أنا كنت معنى .. معنى .. لما (اتعذر)
ادراى فى حيطه وأقضى (الوطر)
دلوقتى من يوم الحجر ما انتفض
أقسمت إنى ما أدنس حجر

حاجر جرك ع القسم . فيها (حجر)
و (جر) زياده . دا كرم معتبر
دانا حظى ياسيدنا الشاويش م السما
وهو فيه دلوقتى غير الحجر

هاشقي حجر بانقض حجر في حجر

واتنفسه .. جرنني لما اتعصر

تلقاني قدامك شوية حصي

ترجم عدو الله ... عدو البشر

إيه يعني ما احنا برضه نفهم (حجر)

شوفو (الشيش .. شوفو الجوز) يا بشر

آخر (سطل) ... طب بكرة حاتفوقوا

لما اليهود تركبكو زى البقر

حجارتك العارجه ولا مد إيد

لكل من عامل وصي والا سيد

يبخل عليك بالقرش ويبحتره

ع الرقاصات ويجود عليك (بالنشيد)

قلبي عليك يا طفل بين النيران

والموت محاطك من جميع المكان

ما فيش ف إيدك الا حنة حجر

الحل فيها ... مش خطب أو بيان

أصفر ولد فيهم وأصفر حجر
يوزن بلد . دا الشر لما انفجر
ملقاش رجال .. قاموا العيال حققوا
من معجزات الله أجل الصور

رصاص لطوب ؟؟؟ راح يعمل ايه الرصاص ؟
ف قلوب ملاته بالإيمان والحماس
ف صدور عيال وحريم وكثير ... ودي
صفعه على وش اللي غاب ف الناس

يوم الانتصار ندرن عليه أنا
لاجمع حجارتكم ... ولو ميت سنه
وابنى بها دار يسكنها جيل رميته
خلت جميع الخلق تشهد لنا

أمانه لتجيب لى حجر من هناك
مبلول يعطر الهمه والإنهماك
أبطح به ناس نامت وناس تيسست
بلكن يفوقو قبل يوم الهلاك



هات لى حجر مصبوغ بدم اليهود
لاجلن أوري التافهين الصمود
يمكن يفوقم التفاهة إذا
حسو بقيمة فعلكم يا أسود

الانتفاضة منها بيتنفض
قلب العدو ويتتليه بالمرض
قلنا كلام ياما ... وضاع فى الهوا
أما الحجر هو اللي أدى الغرض

الله على إيد الولاد الشداد
بترجم الشيطان ومن غير معاد
إبليس له موسم يترجم ... إنما
دول أنكى من إبليس ف بث الفساد

أيوه ياراسى ... دم ؟ يادى الألم
إيه اللي ف دماغى يا خلق اتصدم ؟
لو أى شىء حاءعمل عمايلى أنا
وان كان حجر تلقانى دغرى انسجم

سببوا العماير عنها ما اتيت
ولا عن ناس منها اقلت واغتنت
فكوهها بالطويه وبالا لا اضربوا
بإدين ولاد ما سلمت وانحت

علمنا يا جيل الحجارة النبيل
إزاي حجارتك عملت المستحيل
العبره لا ف الإيد ولا ف الحجر
العبره ف إيماني وصبري الجميل

أطفال تعلمنا معاني ... الكفاح
وتقول لنا كتر الخطب والصباح
ما حل شيء لكن برمية حجر
دهوسنا ليل الخوف وجينا الصباح

أحكم على الأشياء بعمق وبصر
إيه اللي قدامك ؟ دى حته حجر
إيه عمله ف الحرب ؟؟؟ ... خف القدم
حاشوف بعينك شيء يسر النظر

نفس السلاح رب العباد أمطره
على قوم لوط أولادنا بتكرره
على قوم ألن ... من قديم الأزل
وبالسلاح دا ان شا الله حاتدمره

حجر يحرر فجرنا م الضلام
(حجر) يقول لك خلو رجلك بكام
شتان مابين البذل والتضحيه
وبين مساومه ... إنما ع الحطام

حجارة قدام المدافع ياناس
وعيال يتحدفها بكل الحماس
وتواجه الموت بابتسامة أمل
واحننا هنا غارقين ف بحر النعاس

أطفال حريم وشيوخ سلاحهم حجر
والله النفر منهم بمليون نفر
ماقالوش إدينا قاضيه والتحجيجو
وإنما هبوا ف وش الخطر

دا طوب مايتاقل بتبر الوجود
هو اللي حايعيد تانى مجد الجدود
أطفالنا طير أبابيل بترمى الحجر
وتعرف الدنيا حقيقة اليهود

إيه الحجر يعمل قصاص دهايات ؟
تعالوا شوفوا واشهدوا المعجزات
الدهايات محنية تحت الحجر
والناس هنا محنية تحت السكات

أطفال ف عمر الورد متشمرين
تحدف حجارتهما على المعتدين
والمعتدين متسلحين انما
ايه السلاح فى قبضة المرعوبين ؟؟؟

تبر الوجود مايساوى حته حجر
فى إيد ولد واقف ف وش الخطر
لايهمه دهايه ولا طائره
ويواجه الموت وف عنيه الشرر

قلبي حجر ؟ ... ياريتي يصبح حجر
ف إيد ولد ما يمهوش الخطر
إيه فايدته لايد ف سدرى ولا
يعملش حاجه أو يبين أثر

أصبحت أحب الثوب وأحب الحجر
ولأفرط فيه بتبر ودرر
وابوسه بالعين والشفاف وانا
واقع عليه إن كنت فيه اتعتر

طب ما الحجاره ف الوجود بالكيما
ماحد غنى لها بطول الزمان
واشمعنى دى تنشدها بقلبنا
طبعاً عشان رميتها تحى الهوان

الحج دا (حاجيم) ولولا الملام
لقلت خلوه (حجر) يصبح تمام
تكمل حروف المعجزه اللي رمت
عنا الدموع واتبدلت بابتسام



من غير حرج لا قول كمان ميت حرج
ما احلا الحرج فيها الحروف الوهج
بتنور السكه لنا ... لنصرنا
وتصيب عدوى بالشلل والعرج

(حجر على حجر) دا شعر انما
راقى قوى خلى النجوم ف السما
تهتز المعنى وتحلف لنا
من غيره تنشف ف العروق الدما

حجر الطاحون فوق سدرى ريشة نعام
لاتقيل ولا حاسس بريحة آلام.
بيعذبوني قال دا أنا فى هنا
ع الوضع دا وأكل وأشرب وأنام .



كتاب الغد

يصدر عن

دار الغد للنشر والدعاية والاعلان

٥٦ شارع ٢٦ يوليو - القاهرة

ت ٧٧٢٧٩٤

شركة توصية بسيطة

م. ت. ٢٣٥٦٥٢

● المدير المسئول:

محمد كمال محمد عبد الحليم

AL- GHAD Publishing House

56, 26 th. July st. Cairo , Egypt

Tel. 772794

● General Manager

Moh. Kamal Moh. Abdel Haleem

رقم الايداع ١٩٩٠ / ٣٥٢٧